



# ლიტერატურული მესხეთი

№3 (293)  
მარტი  
2023 წელი  
ფასი 40 თეთრი

გამოცემის ოცდაჩვიდმეტი წელი

“LITERATURULI MESKHETI”

## სხვა გზა არ არის!

### მაყვალა ხატიანული

შემორღვეულა საზღვარი ქვეყნის,  
მიტოვებულა სივრცე საუფლო,  
ბოროტი იბრძვის და ძველებურად  
სურს, ჩვენი მინა სხვას რომ გაუყოს.

მიმოფანტულან ჩვენებურები,  
ვიძირებით და ზღვაში ვინთქმებით,  
მავანს წამმზომი უჭირავს ხელში, –  
დროს ითვლის, – როდის აღარ ვიქნებით.

უვერაგესი შემოდის მტერი, –  
ვაი, რომ ჩვენში უფრო მეტია!  
ალაზნის, ბზიფის, ლიახვის ცრემლებს  
ახლა რიონიც შეჰმატებია.

ჩასაფრებული ქვეგამხედავი  
ჩუმად გვიყიდის ბერთა სამკვიდროს,  
ვერცხლის ჩხრიალში ნალაღატევი  
მინის ნაჭერი ძერამ წაიღო.

პარადოქსების გავხდით ქვეყანა,  
ავისმსურველთა ზრახვა ამხდარა,  
ნეტავი როდის ნავხდით ამგვარად, –  
რაც კარგი იყო, ცუდი გამხდარა.

რატომ სჯობს სიძვა პატიოსნებას?  
წუმპე – სინმინდეს და ნათელს – ბნელი?  
სიჩლუნგე – ნიჭის გასხივოსნებას,  
ანდა სიბერნე – სიმრავლეს ერის?

სიკეთეს ვით სჯობს ბოროტი, ავი,  
ერისშვილობას – მომხვეჭველობა?  
დანუნებულა, ვით გადმონამთი,  
კაცთმოყვარება და სათნოება.

თეთრი ფერები შავმა შეცვალა,  
ერისკაცობა – ღალატმა ქვეყნის,  
დაბოლილ მოყვასს, სამწუხაროა,  
ჯანსაღი სიტყვა რომ აღარ ესმის.

როცა ქართული სიტყვის ბალნარში  
თურაშაული ასკდება ტოტებს,  
თქვენ პანტას ეძებთ უსიერ ტყეში,  
პირმოთნეობთ და თან აგემოვნებთ.

ტრადიციები უფერულდება,  
ვცოტავდებით და აღარ ვბევრდებით,  
ქართული სივრცე გათანგულია  
ცრულიბერალურ სულისკვეთებით.

დემოგრაფიულს ვჭვრეტთ კატასტროფას,  
დარჩენილებიც სადღაც მიდიან,  
დაცლილ ქვეყანას ვინ ეპატრონოს, –  
ეს ჩვენმა მტრებმა კარგად იციან.

გიფიქრიათ, რომ გაუსაძლისი  
ყოფის საწყისი ჩვენშია მხოლოდ?  
ჩვენზე თავისა ჩვენვე ვართ მტერი  
და ხსნაც ჩვენშია მხოლოდ და მხოლოდ.

მიტოვებულა როცა სახნავი,  
თვალჩამქრალია ბუხარი როცა,  
ფუძეს რომ არ ჰყავს კვესის გამკრავი,  
ვით შეგვენევა წინაპრის ლოცვა?

როდემდე უნდა გვეძინოს ყურზე,  
ქვიშაში გვექონდეს თავი როდემდის?

სხვა გზა არ არის, უნდა ვამრავლოთ  
ძე და ასული, ამერ-იმიერ,  
რომ გადავფართოთ მამულის სივრცე  
და ვალორძინოთ მრავალუამიერ.



ფოტო ბადრი ვადაჭორიასი

არყოფნისა და გადაშენების  
შავ ღრუბელს ქარი მალე მოდენის.  
ქვეყნის მომავალს მეც შიშით ვუმზერ, –  
მართლა გავკრებით?... აღარ ვიქნებით?...  
შუმერ-ეტრუსკთა შორეულ ლანდებს  
ვცდილობ, რომ მივწვდეთ ჩუმი ფიქრებით.

ახალგაზრდებო! აჲ, ამ მინაზე,  
უნდა იმრავლოთ, იბედნიეროთ,  
თორემ რა დავრჩით, გადაითვალეთ,  
სული ამოგვდის – იბერიელნო!

ჩვენთვის არ ბრუნავს დროის მანქანა,  
ავად გვიყურებს შავი უფსკრული,  
ვინ თქვას „ლილეო“ მზის ამოსვლამდე,  
ალაზნის პირზე ვინ თქვას „ურმული“?

სხვა რამ არა გვაქვს, არც იარაღი,  
არცა სახსარი – ვერცხლი და ოქრო,  
არც მთა და ბარი, არც იალაღი,  
გასაცემი და სხვათ საქვეყნიო.

მიტომ გადავრჩით, „რომ წინაპარი  
გვითვალთვალედა სათოფურიდან,“  
რომ მინანქარი თვითმყოფადობის  
სულში ჰქონდა და არვის მიჰყიდა!


ოჯახი, უფლის გზაზე მავალი,  
შვილიერება – წყალობა ბედის,  
საამო არის ცქერა მრავალი  
შვილის მოვლაში დაღლილი დედის.

ქართულმა სისხლმა უნდა იდინოს  
და ილორძინოს ყოველ თქვენგანში,  
როგორც მუხრანი იტყოდა ხოლმე:  
„– ვითარცა ღვინომ –  
ქვ ევრიდან – ხაპში, –  
ხაპიდან დოქში, –  
დოქიდან ჯამში...“

შეეძლოთ და ისევ გავაყვავილოთ  
ნაზი ყვავილი ბროწეულისა,  
მუშტად შეკრული ძონის მარცვლები –  
უტკბილეს ქრისტეს გოლეულისა.

ბევრისგან ბევრი გამოირჩევა  
ვაზისებრ გამძლე ქარვა-ლალითა,  
ბიჭი და გოგო, – გოგო და ბიჭი,  
ქართულ ბუნებით და სილალითა.

გაიფანტება მაშინ სევდანი,  
იმძლავრებს რტონი დამეხილისა, –  
„იხილო შვილნი, შვილთა შენთანნი,  
ვით ახალნერგნი ზეთისხილისა!“



„*საშინალოთ, დედის ძუძუნი, არ ვაიწყვლოვნი სხვაზედა,  
ჩივთარც უფალოთ, საშინალოთ ერთია ქვეყანაზედა.*“

რაფიელ ერისთავი





მარიკა ლაშინია

მე იქ მერჩვენა

მე იქ მერჩვენა – ჩრდილში და როცა გამომაცხევა მზემ ამ ჩრდილიდან, უნდა მცოდნოდა, ხალხში გამოსვლა ასე იოლად არ ჩამივლიდა.

ყველამ თავისი ბაჟი მიწესა ყველაფერზე და ყოველდღიურად, თითქოს მეგრელი ვიყავ პრინციცა და მივეყვებოდი ცოლად მიურატს.

მიტოვებული სახლივით

მიტოვებული სახლივით სულიც დარდისგან ჯერ არ გამოთოვლილა,

მე სამშობლოსგან ლტოლვილი ქალი დღეს მიჯნურივით ვიქეც ლტოლვილად. სანამდე ვმალე ლექსიც და სახეც, ვამსხვრევ სარკეს და ვლენავ კარადებს... და ვიხდი ნიღაბს, ვიდრე სიკვდილი შავი ხელებით მომიპარავდეს.

სულ არ ადარდებს

სულ არ ადარდებს რიდი და წესი, და კიდევ ტაქტი: მე თუ მენება... დღეს გამომება კაბაზე ლექსი, არც დრო მომცა და არც მოსვენება.

მაჩუქა სტროფის ტოლი ტიარა, ოქროს ქოშებად – რითმა ცალ-ცალი. თან მიჩურჩულა: გინდა თუ არა, უნდა იყოო ჩემი ნანალი.

ქალის „არა“ ხომ „ჰო“-თი მკობილა, მეც იდუმალი ვარ ნანდაური. მეხის ქუხილზე მეტი ყოფილა ფეხაკრეფითი მოსვლის ხმაური.

ჩაივლის წლები...

ჩაივლის წლები ფრაგმენტებად, ცისფერ კადრებად, ლალი ცხოვრება, ონავარი, ცელქი, ოხუნჯი, მე ის გოგო ვარ, აფხაზეთი რომ ენატრება, მე ის ქალი ვარ, ბავშვობა რომ დარჩა სოხუმში.

მედი

მე ბედ-იღბალმა ბევრჯერ მიგანა... დაშვებულია სევდა ფარდებად, მაგრამ ერთ დღესაც სიო გრიგალად გადიქცევა და ამოვარდება.

და როგორც ხეზე ბოლო ფოთოლი, გულს რომ გიბზარავს თვალის შევლება... ამგვარ იმედის ზეგეში მოყოლილ წარსულის დღეებს რა ეშველებათ?!

რუსმა წამართვა...

რუსმა წამართვა აფხაზეთი – ჩემი მამული, ოკუპანტია, აქც წამგლეჯის ბილნი ბუნება, საქართველოს შვილს სისხლი მიდღეს მეგრულ-სვანური, ელოდებიან ლაშხიები ჩემს დაბრუნებას... ისტორიული აფხაზეთის გადასარჩენად უფალი ითხოვს, ქართველებო, ჩვენს დაბრუნებას.

მატარებელი ისე აჩქარდა

მატარებელი ისე აჩქარდა, შორს არ იქნება ბოლო სადგური, ისე მომბეზრდა მე ეს ჯაჯგური შემთხვევით შემხვედრ

მე ზავრთან და ქართან. ყველა თავისი შხამით ნაბანგი, მიჰქრის და რჩება კვლავ არავისთან, ბედნიერება იყო ხაფანგი, დაგვსაჯა, ვისაც ხელი წავციცადა.

შეფაკოვლი აქვს სათქმელს ლოყები


შეფაკოვლი აქვს სათქმელს ლოყები, ადევს ბორკილად სიმორცხვე სიცილს. მე დაჟინებულ სურვილს მოვყვები, რომელიც შენთან მომიყვანს, ვიცი.

გზად ფეხაკრეფით ქარებს ჩაუფელი, ქარებს სურთ ფლორტი და თამაშობა, მე მართალი ვარ, ვით სიყვარული და გულწრფელი ვარ, როგორც ბავშვობა.

მინორი მინორს არ უყვარს თურმე, მინორს ღიმილი უფრო უხდება... ისე ნაზია ქალის სიჩუმე, მძვინვარებასაც კი შეშურდება.

მე მირჩვენია კულისებს სცენა, ლოყას და პარტერს – ცის კიდე, შორი, სულ არ მაკვირებს მოენეს ენა, სულ არ მადარდებს ჭიანი ჭორი...

დამშვიდდი ბედო, ამოდ ირჯები, გულს კოკა ცრემლით თვითონ ავუფეს. ხვალ ყველა ლაქარდს ვეპატიუები ჩემი ტკივილის დღესასწაულზე.



ალექსი ბოგბერაშვილი

არ ჩამოშალოს...

მოდმე და მომხრე არ ჰყავს ამქვეყნად, სურს, – დღენიადგ მარტო იაროს, ქარი შლეგი და მარად თავნება, ორღობებში დაბორიალობს.

ზოგჯერ გაჰკივის რა ნაღვლიანად, სხვა სევდა ერთვის ქარაშოტს ამ დროს, ალუბლის ხე რომ აანრილა, – ეჰ, ჩიტის ბუდე არ ჩამოშალოს.

ჩვენი რხოვრება

დროდადრო ვილხენთ, რაც ეგ ზომ გვშენის, ზოგჯერ კი დარდი შეგვძრავს გულამდე, ამგვარად მიდის ცხოვრება ჩვენი – გაზაფხულიდან გაზაფხულამდე. დღეს თუ ოდნავ კრთის სინათლე რწმენის, ხვალ მისი სხივი ააღწევს ცამდე.

და ასე მიდის ცხოვრება ჩვენი – ფოთოლცვენდან ფოთოლცვენამდე.

ბუნების ნებას ვერავინ შეცვლის, – შევეუერთდებით წარსულის ლანდებს, მაინც იმედით რაღაცას ველით, მაინც ვბობოქრობთ აღსასრულამდე.

მუხა

ცას ქუფრავს ზამთრის ლეგა ღრუბლები, და ჩემი ფიქრი ახლა მოღლილა, მუხას შევეყურებ, ვესაუბრები, დროსთან შებმული კვლავ დგას ღონივრად.

– შენ დრომ გარგუნა ბევრჯერ სადარდო, – არ მოგრევიე სევდა გოლიათს, ო, ნეტა, მუხავ, მეც ვერ დამჯაბნოს ცრემლამდე მძიმე მელანქოლიამ!

\*\*\*

ფიქრს ასე დამღლელს და მკაცრს რარიგად, ბრაზით ამოვთქვამ და ზეცას ვახლი, – რად გვემარჯვება დასაბამიდან ერთმანეთისთვის დაგება მახის.

რამდენი ფლიდი ბორგავს, არნივობს, დიდების მწვერვალს როგორ მიელტვის, კვლავ შურის ნისლით ბოლავს სამკვიდრო, რამდენს სურს იყოს – მხოლოდ პირველი...

არ მიმატოვა

ვხედავ ნაცნობებს ახლა სარკმლიდან, ერთი შეხედვით მაინც მარტო ვარ, ერთი შეხედვით, რადგან, ცხადია – მუშამ დამინდო, არ მიმატოვა. მახე რამდენმა გულქვამ დამიგო, კიდევ რამდენი თვალწინ მზაკვრობდა, მხოლოდ და მხოლოდ მუშამ დამინდო,

არ დამეხსნა და არ მიმატოვა.

რაზე ღრუბელი ჩამოიშალა

ზამთრისპირია. ვდარდობ იმგვარად, – ბილიკს მივეყვები სვენებ-სვენებით, ცაზე ღრუბლები წამოიშალა და სულში კიდევ მოგონებები. დრო მომწუსხველი მახსოვს ნიადგ (იმ განცდას კვლავაც როგორ ვნებდები), ცაზე ღრუბლები წამოიშალა და სულში კიდევ მოგონებები. მზე დიდებული ახლოს ბრწყინავდა, დღეს კი ჩემს ირგვლივ გლოვობს ფერები, ცაზე ღრუბლები წამოიშალა და სულში კიდევ მოგონებები...

არასდროს!..

სევდა-ვარამი გაბევრდა... გამოფხიზლდება ნეტავი? – სამშობლო, ჩემი ღვთაება, კვლავაც და კვლავაც მთვლემარი; ღმერთო, არასდროს დაერქვას ამ მიწას ნაქართველარი.

\*\*\*

ალარ ახსოვდა არაფრსიგან ბავშვობის ვარდა.

დავით წერეთლიანი

ქარი თავხედობს, გამყინავი და მსახვრალი, ღამეა. წყვილია ნებდება მიწა და ზეცა. ეს ბერიკაცი, შუბლდაღარული, გამხდარი და დაქანცული სიმძიმით გარდასულ წელთა, – რარიგი სუფთა და ლურჯი ფერის ტალახით, თბილი ბუხრისპირს –

შორეულ ბავშვობას ძერწავს.

\*\*\*


ფიქრით იმ ქალზე გული კვლავ ბორგავს, გული ჯერ კიდევ ღელავს, ფრთხილობს, ო, ნეტავ ახლა იმ ბაღში ორმა თუნდაც ცოტა ხნით ერთად ვიაროთ, რომ შორეულმა და წმინდა გრძნობამ ისევ და ისევ შემანრილოს.

საკვირველია...

მას სწამს სიკეთის დიადი ძალა, შრომობს და იღწვის რა პატიოსნად, გონიერსა და ზნეობით მაღალს ვერავინ ამჩნევს ამქვეყნად ოდნავ. აი, მეორეს, – სიმდიდრის მრუდე გზებით მომხვეჭელს, ვერავს, გესლიანს, – ხოტბას ასხამენ და როგორც სტუმარს – მონინებით და კრძალვით ელიან... ... ეს ყოველივე ახლაც და მუდამ, ღმერთმანი, მართლაც საკვირველია...

წინაპართა სამყოფელი

მზემ ჩაჰკარგა ბოლო სხივი მუხნარის ტყის დასალიერს, დაბარბაცებს ჩუმად ბინდი, აფერმკრთალებს ყვითელ იელს. გულსაამოდ და თანდათან, – ჩამყუდროვდა კვლავ სოფელი, სალამოა ახლა ნაღდად, – ვრცელი ფიქრის მათრობელი. სხვა ეშხი აქვს, სულ რომ შევინს გარინდებულ ორღობებს, გრილი სიო ფრთხილი ვნებით უაღერსებს ხეთა რტოებს. ძვირფასი და მუდამ სანდო არის მართლაც აქ ყოველი, რა ტკბილია, რა უბადლო, წინაპართა სამყოფელი.



თმარ ხაიაში მხატვრად ამირ მამხამედ დასემიზადე

ოთარ ხაიაში

\*\*\*
თუკი დღემუდამ მტანჯველ ფიქრებს მიაართვი თასი,
გინდა ერთი დღე გიცოცხლია და გინდაც – ასი.

\*\*\*
ღვინის სარდაფში ჩავედი და მოხუცი ვნახე –
გალეშილიყო ღვინის სმით და შეშლოდა სახე.

\*\*\*
კარგს მოგმადლებს თუ გინა – ავსა ჩვენი სამყარო,
თუნდაც დაგტანჯოს და ხანდახან თუნდ გაგახაროს.

\*\*\*
ჰე, ძმებო, ღვინით გამახარეთ და აღარ ვხვდები,
ქარვისფერ ღვინებს ლალისფერი შემატეთ ეშხი.

\*\*\*
ყოვლის შეცნობის, სულო ჩემო, არა გაქვს ძალა,
სხვათა სიტყვებით შეძენილი გიღირდეს ჩალად.

\*\*\*
ვიდრე ხელთა მაქვს მე სიცოცხლის ჭურჭელი ესე,
ვიდრე ამ ჯამში წყურვილს ვიკლავ, არ დავიკვნესებ!

\*\*\*
მარადისობის შემეცნება რთული რამ არი,
შეუცნობელი არაკია, ზღაპარი არი.

\*\*\*
მორწმუნეს ათასს მირჩენია წვეთი ღვინისა,
ერთი ჭიქა კი ფასი არის მთლად ჩინეთისა.

\*\*\*
სჯობს, ლოთი იყო და იარო გზებზე სიკეთის,
ვინემ – ქლესა და ანგარება გქონდეს მოკეთის.

თუკი ღვინის სმა ჯოჯოხეთის გაგისხნის კარებს,
რაღა ფასი აქვს, სამოთხეა თუ – ჯოჯოხეთი!

\*\*\*
არსიც შევიცან, არარსობის აზრიც ვიცანი,
განდიდების და დამცრობისაც ვიყავ ხიზანი,

\*\*\*
ოხვრა-გოდება ვერაფერში დაგეხმარება,
ვისაც ჭკუა აქვს, ტანჯვაც მხოლოდ მას ეკარება.

\*\*\*
ჩემს სულს მსხვერპლად მივაგებებ კაცს,
გონებით სავსეს, ფიანდაზად რომ გავეგო,

\*\*\*
მე და შენ რაიც გველოდება, გაგანდობ მყისვე,
მოკლედ გაგიმხელ, ორი სიტყვით ვიუბნებ, ისე:

\*\*\*
ნუ დართავ ნებას, რომ მეგობრად გაგიხდეს სევდა,
მწუხარებასაც დაუჩლუნგე შენდამი ხედვა.

\*\*\*
მისი მოდარდე ნუ იქნები, რაც გარდასულა,
რაც არ ყოფილა, არ ინაღვლო იმაზე სულაც.

\*\*\*
მე მერიქიფემ შეება მომცა ცოტა ხნით ბედად,
ხალხთან ბაასში სანუგეშოს ვერაფერს ვხედავ.

\*\*\*
იყურებოდა ორი კაცი ერთი სარკმლიდან,
ერთმა იმავე წამს ჭუჭყს და ტალახს ჰკიდა თვალი და

\*\*\*
მერიქიფეო, ღვინო, ჯამი, მწვანით მორთული
ველი ჩემია, შენ კი გქონდეს სამოთხე სრული.

\*\*\*
ჰე, მეგობარო, ხვალინდელზე ვიდარდებთ ნურას,
ამ წუთისოფლის სიამენი შევიცნოთ სრულად.

\*\*\*
არ მიგატოვებს, მოწყალეა უფალი მეტად,
ცოდვების გამო არ მიეცე სასონარკვეთას.

\*\*\*
ჰე, გულო ჩემო, მწუხარება რომ არ გშორდება,
რადგან სულ-ხორცი შენ არც ერთი არა გნებდება,

\*\*\*
ანმყოს იმედი ნუ გქნება, გულო, გაიგე,
მრავალი ტანჯვა მოგაყენა, ფეხქვეშ გაგიგო!

შენს თავს მიხედე და აკეთე, გენებოს რაიც,
ხვალ რას გიმზადებს ბედისწერა, ვერას გაიგებ.

\*\*\*
თუკი სიკვდილი არ აგცდება, თუკი ვალია,
ერთხელც მოკვდები – ხომ იცი, რომ გარდუვალა.

\*\*\*
მე მეოხს ვეძებ, მეოხება შენი სად არი?!
გულში გამეფდა სიბნელე და გლოვად მზად არი.

\*\*\*
წუთისოფელზე მინდობილი და მიჯაჭვული,
პურით და ღვინით ხალისობდა ეს ჩემი გული.

\*\*\*
რა უსწრაფესად მიაჭენებს რემა ცხოვრების,
მიჰქრის და მალე არაფერი გვემახსოვრება...

\*\*\*
ორიოდე დღის სამყოფი პური თუ გაქვს ქოხში,
თავანკარა წყალიც გიდგას პირნატეხილ დოქში,

\*\*\*
რადგან ამქვეყნად ჩვენი ყოფა ერთობ ძნელია,
სატრფოს გარეშე ეს ცხოვრება არაფერია.

\*\*\*
რაკი ფარულად უნდა მწამდე, რაკი ვერ გხედავ,
უარგყოფ ხოლმე... მე, ცოდვილი, ამასაც ვხედავ.

\*\*\*
ამქვეყნად ჩემი არსებობა ნებაა შენი,
სავსე ვარ შენი წყალობითა და მადლის ჩენით,

\*\*\*
ღვინოს თუ დაღვე, შესვი მხოლოდ გონიერ კაცთან
ანდა – ეშხიან, ლოყანითელა ლამაზმანთან;

\*\*\*
შეუძლებელზე ნულარ დარდობ, ნურც დაეჭვდები,
სხვაზე იფიქრე, სავსე ჭიქას რაკი მისწვდები;

\*\*\*
ვინც წუთისოფლის საიდუმლო შეიცნო სრულად,
ის უსათუოდ ტანჯვა-ღვინის ზღვართან მისულა.

\*\*\*
ბედი ბურთივით გვათამამებს ნიადგ ჩვენა,
საითაც წავა, უნდა წაჰყვე, გზა თუ გიჩვენა.

\*\*\*
აისის სიომ როს მოჰგვარა შენი სურნელი
გულს, მე დამთმო და, შენი ნდომით განუკურნელი

აღვისო სრულად, ძებნად შენად გაიჭრა უმალ,
ალარც ვახსოვარ, შენ დაგეძებს შენი მსურველი.

\*\*\*  
 თუ ჩემს ნებაზე ვერ ვიცხოვრებ ნუთისოფელში,  
 ზეცა თუნდ შვიდი იყოს, თუნდ რვა – ზემოთ, სივრცეში,  
 თუ მაინც უნდა მოვკვდე, მაშინ რა ბედენაა,  
 მგელი შემჭამს თუ ჭია დამხრავს მე სამარეში.

\*\*\*  
 მომეც ნამალი კაეშნისა, რომ მოვილხინო,  
 ლალისფერ ღვინით სავეს თასი არ მომანყინო!  
 თუ მართლა გინდა, მწუხარებამ აგალოს ხელი,  
 არ მოიძულო ჩონგური და წითელი ღვინო!

\*\*\*  
 რისგან შევქმნილვარ, არ ვუწყი და სულშიც ნისლია,  
 სამოთხე მელის? ჯოჯოხეთი? ნეტავ, ვისი ვარ?

\*\*\*  
 გული სულ ფეთქავს, არ ჩერდება არცერთი წამით,  
 ხან მეჩეთისკენ ილტვის, ხანაც უჭირავს ჯამი.  
 ღვინოს დავლევთ და სატრფოსაკენ გავეშურებით,  
 ღვინოს სარდაფში გვიშუშდება ლოცვების შხამი.

\*\*\*  
 დალიე ღვინო, სხვა სიამე ქვეყნად არ არის,  
 იმხიარულე, დატკბი ხმებით დავითის ქნარის!  
 რაც გარდასულა, ვერ ენიე, სევდად არა ღირს,  
 განა ოდესმე გაფურჩქნილა ყვაილი მჭკნარი.

\*\*\*  
 მე ლოთი ვარ თუ მეტრფე ღვინის, რაც ვარ, ესა ვარ.  
 თუნდ სალოცავად კერპი მყავდეს, რაც ვარ ესა ვარ.

\*\*\*  
 ჰე, მეგობარო, ნუ მოიწყენ, ნუ დალონდები,  
 არც გარდასულზე არ დახარჯო შენი ფიქრები.  
 რაც იყო, ვიცით, მომავალი არავინ უწყის,  
 იმხიარულე, დარდ-ვარამში ნულარ იქნები!

\*\*\*  
 ჭემარიტება რადგან ახლა ძალზე შორია,  
 ნუთისოფელი ურგოა და მხოლოდ ჭორია.  
 დავლიოთ ღვინო, სულ ერთია, ამ ცრუ სოფელში  
 გინდ მთვრალი იყავ, გინდ – ფხიზელი, ასე მგონია.

\*\*\*  
 ბედო მდევარო, შენს სიავეს ვერ აღვწერ ენით,  
 ო, რა უღმერთოდ დამიფლითე პერანგი ლხენის!  
 ჩემკენ მქროლავი ნიავიც კი ცეცხლს გაატანე,  
 პირში წყალიც კი მიწად მექცა, წყეული შენით.

\*\*\*  
 მოწყალე კი ხარ, ღმერთო, მაგრამ არ არს ახალი,  
 ურწმუნოთათვის რომ ჩარაზე სამოთხის კარი.  
 ვინაც გინამა, მას თუ ცოდვას შეუნდობ ხოლმე,  
 ურწმუნოს რატომ მოარიდე წყალობის თვალი?!

\*\*\*  
 მას, რაიც შენთვის დაადგინა უკვე განგებამ,  
 არ მოაკლდება მისხალი, არც დაემატება.  
 იყავი მშვიდად, რაც არსებობს, ის უნდა იყოს,  
 ნუ დალონდები, რაც ყოფილა, მუდამ იქნება.

\*\*\*  
 დოქის ტურს ტური შევაგებე ეშხით ვნებისა,  
 მწადადა, მომეშტო უინი ჩემი გულისტემებისა;  
 დოქიც დამაცხრა, დამეკონა და ჩამჩურჩულა:  
 „– შესვი, მეორედ ველარ მოხვალ შენის ნებისად!“

\*\*\*  
 ღვინის მაგივრად მე წყურვილს წყლით მოვიკლავ როდი,  
 თუნდ ტანჯულ ხელში სავეს ჭია შერბეთად კრთოდეს,  
 პურს არასოდეს არ დავანებ სხვათა მარიაზე,  
 თუ მწვადად ჩემი ღვიძლი არ დევს სუფრაზე ოდენ.

\*\*\*  
 არსთაგამრიგემ, ვინაც შექმნა ეს ყველაფერი,  
 სიხარულსაც კი მწუხარების დაადო ფერი;  
 ბევრი ხუჭუჭა, ლოყებვარდა და თვალწარმტაცი  
 მიწის ბნელ ყუთში გამოკეტა უღმობელ ხელით.

\*\*\*  
 მოლა მუსტაფას მოწინებულ სალამს მივაგებ,  
 უმორჩილესად ვეაჯებ, ამიხსნას ეგებ:  
 რატომ გვიკრძალავს ჩვენ „ყურანი“ ღვინის დაღვევას  
 და ღვინისა წილ მუავე მანვინის სმას რად გვარიგებს?

\*\*\*  
 თუ ნახევარი მაინც გაქვს პური,  
 ჩამოსაჯდომად - პატარა ყურე,  
 არც მონა გყავს და არცა სხვას ჰპონებ,  
 რალა გაქვს ქვეყნად შენ დასამღური?!

\*\*\*  
 ვინაც ტაძრებში და სკოლებში დაიარება,  
 იმედოვნებს, რომ ელირება ედემში შვება;  
 უფლის სამართალს რეალობას თუ შეუღარებს,  
 არ დაიჯერებს, ცრუ იმედს არ დაემონება.

\*\*\*  
 ღვთის ნებიერას, ქუდბედისა მაინც გახსოვდეს,  
 შენს კარავს ძველი საყრდენი აქვს და არასოდეს  
 არ ენდო! თუკი სხეულია კარავი სულის,  
 სუსტია იგი და იმედი მისი არ გქონდეს!

\*\*\*  
 ვინ არის ქვეყნად, ვისაც ცოდავ არ დაებედა?  
 ან უცოდველმა ვით იცხოვრა უმნიკლოდ, ნეტავ?  
 ჩემი სიავე სიავითვე რომ დამიბრუნე,  
 ჩვენში სხვაობა სადღა არის, ან ვინა ხედავს?!



მოგოლური მინიატურა

ჰოდა, თუ არის ჩანგი, ღვინო, სატრფო წყაროსთან,  
 ეს არის ნაღდი, სამოთხე კი – მხოლოდ ნისია.

ზოგიერთისთვის – ურწმუნო და რჯულის არმქონე,  
 თუმც ვიცი, გულში რაიც ღვინის, რაც ვარ, ესა ვარ.

\*\*\*  
 ხაიამ, ცოდვებს ნუ მისტირი! შენი ვნებანი  
 აღარ იწუხო, უცოდველი ნუ გასურს ებანი!  
 ყოვლისმოწყალეს უცოდველი აბა, რად უნდა?  
 მან ცოდვილს უნდა მიუტევოს შეცოდებანი.

\*\*\*  
 ღვინო უძღურსაც გოლიათის შემატებს ღონეს,  
 ბორკილადებულს შეებას მოჰგვრის, არ დაალონებს.  
 თავად ეშმაკიც, თუკი დაღვეს, ორიათასჯერ  
 წამოიჩოქებს, ლოცვის ჰანგებსაც გაგაგონებს.

\*\*\*  
 სიზმრად ვნახე, ბრძენმა მითხრა: „ადექ, რა დროს ძილი არი!  
 ძილში ვარდი არსობისა ქცნება, განა შლილი არი!  
 არ დანებდე, ეგ ვერავი თვით სიკვდილის შვილი არი!  
 მოკვდები და ძილისათვის მიწა გადაშლილი არი...“

\*\*\*  
 კმარა, უფალო, ჩემი ეგრე უმწეო ყოფა –  
 ტანჯვა - ნამება, მწუხარების ცრემლების როფვა!  
 თუ არაფრისგან შექმნი რამეს, არც ის არ მიწადა,  
 არაფრისგან მე რომ შემქმენ, ისიც გეყოფა!

\*\*\*  
 თუ ვარდები არ მხვდა წილად, დავჯერდები ეკალს მაშინ,  
 თუ სინათლე არ მეღირსა, გამინათებს ცეცხლის რაში,  
 თუ შეიხიც არ გამორჩნდა, დავრჩი სულ-ხორცის ამარა,  
 ეკლესიას მივაშურებ მოწკრიალე ზარის მარშით.

\*\*\*  
 გახსოვდეს, მალე გაიყრება ხორცი და სული,  
 დასტოვო უნდა ეს სოფელი, გაჩერდეს გული.  
 შენ არც კი იცი, როგორ მოხველ ან საით წახვალ,  
 მაშ, შესვი ღვინო, გქონდეს ლხინი წრეგადასული!

\*\*\*  
 „ყურანს“ ბოლომდე ჩაიკითხავს მარტოდენ ბრძენი,  
 თუმცაღა, ყველა ვერ გაიგებს ამ წიგნის ენას,  
 მაგრამ ღვინის ჯამს ვინც გამოსცლის, კარგად გაიგებს,  
 მის ფსკერზე თუკი ვინმემ რამე სიბრძნე დაწერა.

\*\*\*  
 ოდეს მოვკვდები, განმიბანეთ ღვინით სხეული,  
 ღვინით მომირწყეთ მე საფლავიც – ჩემებრ ეული,  
 კვირაობით კი, ჩემი ხილვა თუკი გენებოთ,  
 ღვინის სარდაფის მტვერში მწახეთ გამოხვეული.

\*\*\*  
 მიკიჟინებენ, შემისრულდა სამოცი წელი,  
 ასეა, თუმცა ღვინის სმას არ ავალე ხელი.  
 გვერდით ხელადა, ხელში ჯამი გეჭიროს უნდა,  
 ვიდრე ეგ თავი არ გამხდარა ღვინის ჭურჭელი.

\*\*\*  
 ბოლოს და ბოლოს ურწმუნობას და რწმენას შორის  
 ზღვარი ახლოა, ნუ გგონიათ ძალიან შორი.  
 შეცნობის წიად რაც კი რჩება შეუცნობელი,  
 ერთი კითხვაა წამიერი, მომცველი ყოვლის.

\*\*\*  
 მარადისობის არსში აბა, ვის ჩაუხედავს,  
 არვის უცდია ახსნა მისი, ვერვინ გაბედა.  
 სუსტნი არიან ოსტატიც და მისი შეგირდიც,  
 ცოდვაა ყველა, მზისქვეშეთში ვინც შობა დედამ.

\*\*\*  
 ჰე, მერიქიფევე, ჩვენზე ადრე წავიდა ვინაც,  
 გადაეგო და შავ მიწაში დაილო ბინა.  
 ჰოდა, გაავსე უშურველად ბოლომდე ჯამი!  
 მითხარ, ვინც არ სვამს, ნეტავ, ამით რა შეიძინა?!
















# მატიანი



ვალ. ახალციხის რაიონი. მსოფლიო ქალი. 89-19 საუკუნის 90-იანი წლები. ატრეა დიდის სახელობის ანთროპოლოგიისა და ეთნოგრაფიის მუზეუმი

## „...არ დაიარვები!“

დილას ცისკარი ამშვენებს, სამშობლოს – მესხთა მთა-ბარი, ახალციხეს კი სამრეკლო – შილვას ტაძრის და რაბათის.

ზარზმა უმღერის ვარძიას, ნინოს ჯვარს – ტბა ფარავანი, ბასიანისკენ მიმავალს, ლაშქარს დალოცავს თამარი.

აქ არის მისი ხატება რუსთველის ნატურფალები, აქ ქმნიდა „ვეფხისტყაოსანს“ გაბრწყინებული თვალებით.

ისევ – „ჰეროი ბიჭებო!“ ისევ – „მამლი მუხასაო!“ დე, მუდამ კვამლი სდიოდეს ჩვენს კერასა და ზუნარსო.

„მუხა წონილებს, წონილებს – „მამლი მუხასაო“ ... „წონილებს – არ ნაიქცევა, მამლი მუხასაო!“

ავტორ-მთქმელი **ვესლი კვიციანი**, ქალაქი ახალციხე, 81 წლის

### ფოლკლორი

## ისტორიული აზრები

სოფელ უდესთან ახლოს, მის ჩრდილო-დასავლეთით, არსებობდა სოფელი მეიდან (ამჟამად ნასოფლარია), რომელიც 19 კომლი ცხოვრობდა. 1830 წელს ეს სოფელი მთლიანად გაუკაცრიელდა, რადგან მისი გამაჰმადიანებული მოსახლეობა ოსმალეთში გადავიდა საცხოვრებლად. მეიდანის მეპატრონეები ყოფილან ხურციძე-ჩორჩანელეების გვარის გამაჰმადიანებული ქართველები. ოსმალების მიერ სამცხე-საათაბაგოს დაპყრობის შემდეგ, ხურციძე-ჩორჩანელები გამაჰმადიანებულან და ოსმალთა სულთანსაც ისინი პატივით მოუღია, სათანადო სიგელიც უბოძებია, რათა შემოემტკიცებინა ხურციძეთათვის ოდით-განვე კუთვნილი მამაბაბური მამულები. 1835 წელს ნუყმან ბეგი უკანასკნელი წარმომადგენელი ყოფილა მაჰმადიან ხურციძე-ჩორჩანელებისა, რომლებიც ასევე გადადის ოსმალეთში, ხოლო სოფელი მეიდან და სხვა მათი მამულები სომხების (ალბათ საეკლესიო მფლობელობაში) გადასულა. როგორც გადმოგვცემენ, მეიდან ბეგი ლა-

მაზი ქალების მოყვარული ყოფილა. ამიტომაც იყო, რომ ლამაზი ქალების მშობლები თავიანთ შვილებს მურს უსვამდნენ და ძველ ტანსაცმელს აცმევდნენ, ბეგს რომ არ მოსწონებოდა.


სოხფელ მეიდანზე ასეთი ლექსიცაა გამოთქმული:

„**ოღრამა მეიდანა ყონსმტურ იერი, ონდანა სალამაო, გეჩოსინ ტერნა, უდე გულისტანდურ ყონასენ ტურნა.**“  
ქართული თარგმანი:  
„**ნუ შეივლი მეიდანს, რომლის ადგილებიც ყარს, მას გულდამშვიდებით გადაუარე, უდე ვარდნარია და იქ დაბინავდი წეროვ.**“

მთქმელი **არტემ ბაღახაშვილი**, 89 წლის. ადგილის რაიონის სოფელი უდე. ჩაინერა ანტონ ბაღახაშვილმა 1987 წელს

# ბაგოსათხოვარი

„კაცი, რომელიც დააკლდა ქალაქს“ – მიხეილ ქელიძის კლასიკად ქცეული ეს სიტყვები, ყველა იმ კაცურ კაცის ნეკროლოგს მიჰყვება, რომელიც მართლაც აკლდება არამარტო თავის ქალაქს, არამედ მთელ ქვეყანას, ერს, საზოგადოებას, ოჯახზე რომ აღარაფერი ვთქვათ. ასეთი ადამიანების რიცხვს ამშვენებდა ბატონი ანზორ თამარაშვილი – ახალციხის საპატიო მოქალაქე, ხელოვნებათმცოდნე, პედაგოგი, ლოტბარი და მუსიკოსი. ბატონი ანზორი ღირსების ორდენის კავალერი ბრძანდებოდა და მართლაც ღირსეულად ატარებდა ამ ტიტულს. ქალაქის კოლორიტი იყო და მარად ჭირისუფალი თავისი ქვეყნისა და ხალხისა. თამარაშვილების გვარის ღირსეულ წარმომადგენელს ახალციხელებმა ნდობა გამოუცხადეს და არჩეული იქნა საქართველოს მე-5 მოწვევის პარლამენტის წევრად. მან ეს როლი, არა მარტო ცხოვრებაში შეასრულა, არამედ რეზო ჩხეიძის ფილმში – „რაიკომის მდივანი“ (იგივე „ვაიოს ველები“), ეპიზოდურ როლშიც კი ღირსეული და განსაკუთრებული სახე შექმნა, ბატონ ანზორს, ასევე ეპიზოდური როლი აქვს შესრულებული კინოფილმში – „შეხვედრა წარსულთან“. მრავალმხრივ ნიჭიერ ადამიანს, განსაკუთრებული მიდრეკილება ჰქონდა მუსიკისადმი. გარკვეული პერიოდი მოღვაწეობდა ზაქარია ფალიაშვილის სახელობის თბილისის ოპერისა და ბალეტის სახელმწიფო თეატრში. მისი ვოკალური მონაცემებით ვინ აღარ მოხიბლულა! მას არაერთი თაობა აღუზრდია ახალციხისა და ადგილის რაიონებში, წარმატებული იყო მუსიკალური ოლიმპიადების და ფესტივალების დროს და ყოველთვის გრძნობდა შინაგან ვალდებულებას, რომ იგი დიდი მიხეილ თამარაშვილის ღირსეული მემკვიდრე იყო და ამ გვარს სათუთად უფრთხილდებოდა. ნუთისოფლის გამონეგების მიუხედავად, ყველაფერს ღირსეულად უმკლავდებოდა და ზუსტად ისე წარმოაჩენდა, როგორც საჭირო იყო. ჯანმრთელობის გაუარესების დროსაც კი ტიტანური შრომა გასწია და შექმნა მსოფლიოში პირველი უნიკალური მუსიკალური ენციკლოპედია. კერძო საუბრებში, არაერთხელ აღუნიშნავს კიდევ, თუ რა რთული იყო ამ საქმის ბოლომდე მიყვანა.



ფოლკლორს აქცევდა. მისი შესრულებით „მამლი მუხასა“ განსაკუთრებით ჩამრჩა გულში...

ადამიანი ხშირად თავისი ბედით თავის კუთხეს და ქვეყანას ემგვანება. ბატონმა ანზორმა, ბერძენისაგან, „ინონილა“ და მაინც ნაიქცა, სრული ამ სიტყვის მნიშვნელობით. ამას იყო და საწოლს არ მიეჯახება. ვაჟკაცურად, ფეხზე მდგომი, მოჭრილ მუხასავით დაეცა და ჩვენც თავზარი დაგვცა. ვალმოხდილი წავიდა იმქვეყნად. მუსიკის სფეროში უამრავი ფასდაუდებელი მემკვიდრეობა, ნაშრომი და კვლევა დაგვიტოვა, რითიც ყოველთვის იამაყებს ქართველი ერი. მომავალი თაობები აუცილებლად მადლიერებით გაიხსენებენ მას, როდესაც წყაროს სახით, მის მიერ შედგენილ და შექმნილ ლიტერატურას გამოიყენებენ. ძნელია, ძალიან ძნელია, ახალციხელობა“ იზეიმო და სამცხის კოლორიტი აღარ ამშვენებდეს ახალციხის ციხეს. ნიშანდობლივია და უკვე, ორმაგი დატვირთვა ექნება თამარაშვილის ქუჩას, სადაც ბატონი ანზორი ცხოვრობდა. დრო მოვა და მჯერა მას „თამარაშვილების“ ქუჩა დაერქმევა.

დიდი მამულიშვილის გარდაცვალების გამო ვუსამძიმრებთ მის ოჯახს, სამცხე-ჯავახეთს, მუსიკალურ საზოგადოებასა და სრულიად საქართველოს. მსუბუქი იყოს მისთვის მესხეთის მინა, რომელიც ასე ძალიან უყვარდა. და, არამარტო მინა, არამედ ცაც. სასწაული ბევრი ხდება ამქვეყნად და განა სასწაული არ არის, ამ დღეებში, ცაზე რომ პლანეტების ალღეშია? დიახ, ცაზე გაუხსენეს უკვე ვარსკვლავი. თამარაშვილების ვარსკვლავი, კიდევ უფრო აკაჟსკაშ-და ცის კაბადონზე.

ციური ასპანიძე-მესხიშვილი

გაზეთ „ლიტერატურული მესხეთის“ რედაქცია ღრმა მწუხარებით იუნყება, რომ გარდაიცვალა საქართველოს პარლამენტის ყოფილი წევრი, ახალციხის საპატიო მოქალაქე, ხელოვნებათმცოდნე, პედაგოგი, ლოტბარი და მუსიკოსი

### ანზორ თამარაშვილი

და სამძიმარს უცხადებს განსვენებულის ოჯახს

## გაზეთის ელ.ვერსიების არქივი: ციფრული ბიბლიოთეკა „ივერიელი“ (საქართველოს ეროვნული ბიბლიოთეკა)

**დამფუძნებლები:** ფიზიკური პირი ავთანდილ ბერიძე სსიპ სამცხე-ჯავახეთის სახელმწიფო უნივერსიტეტი

**გაზეთი რეგისტრირებულია ასპანიძის რაიონის სასაგარტლოს მიერ 1998 წლის 15 ოქტომბერს. სარეგისტრაციო N19/4-17**

კომპიუტერული უზრუნველყოფა ირმა ჯიშკარიანის

რედაქტორი ავთანდილ ბერიძე **სარედაქციო საბჭო:** დურმიშხან ბერიძე, მერაბ ბერიძე, ვახტანგ ინაური, სოსო გიქოშვილი

**გაზეთი დაიბეჭდა** შპს „საარის“ სტამბაში მისამართი: ქ. თბილისი, თევდორე მღვდლის 57. ტელ: 2.94-14-32

**რედაქციის მისამართი:** 0500, დაბა ასპინძა, თამარის ქ. N3, ტელეფონი მთავარი რედაქტორის: 599 97 95 24 lit\_meskheti@gmail.com lit\_meskheti@yahoo.com

გაზეთის რედაქცია სარგებლობს თავისუფალი პრესის პრინციპებით და ავტორის მოსაზრებებსა და გამოხატულებებს უცვლელად უცხადებს